

Хөрөнгө Оруулагч Үндэстэнг Цогцлооно



САНХҮҮГИЙН
НЭГДЭЛ

ЖИЛИЙН ТАЙЛАН | 2019

Хүчтэй. Хамтдаа.

Агуулга

5	Агуулга
6	Гүйцэтгэх захирлын мэндчилгээ
10	Эрхэм зорилго
10	Алсын хараа
11	Мөрдөх зарчим
11	Давуу шинж чанар
12	2019 он тоогоор
14	Компанийн тухай
15	2019 оны онцлох үйл явдал
17	Хувьцаа эзэмшигчдийн бүтэц
18	Төлөөлөн Удирдах Зөвлөл
22	Эдийн засгийн орчин
23	Мөнгө, санхүү
24	Хөрөнгийн зах зээл
25	Валютын зах зээл
25	Эдийн засгийн өсөлтийн прогноз
28	Үнэлгээ
29	Ард Санхүүгийн Нэгдлийн хувьцааны арилжаа
30	Хараат бус аудитын тайлан

Гүйцэтгэх захирлын мэндчилгээ



Хүндэт хувьцаа эзэмшигчдээ!

Жил болгоны хавар бид та бүхэндээ өнгөрсөн онд хийж бүтээсэн ажлаа дэлгэн танилцуулж, гаргасан амжилтаа хуваалцдаг уламжлалтай билээ. Бидний бэлтгэсэн ээлжит жилийн тайланг хүлээн авч, болгооно уу.

Юуны түрүүнд та бүгдэд 2019 онд болсон гол үйл явдлыг товч хүргэхийн зэрэгцээ үйл ажиллагаа болон санхүүгийн мэдээллийг тайландаа дэлгэрэнгүй танилцуулахаар бэлдлээ. Залгуулаад Ард Санхүүгийн Нэгдлийн аудитлагдсан тусдаа болон санхүүгийн тайланг энэ товхимолын төгсгөл хэсгээс уншиж танилцах боломжтой юм.

Улиран одсон 2019 он бидний хувьд үйл явдлаар арвин байлаа – бид 5.4 тэрбумын ашигтай гарсан, бид нээлттэй компани болсон, бид Ард Аппаа нэвтрүүлсэн, бид IPO хийж мөнгө босгосон, бид Монголынхоо анхны блокчэйн дээр суурилсан криптокойныг гаргасан, бид багаа чадварлаг гишүүдээр бэхжүүлсэн, бид хэлсэн бүхнээ давуулан биелүүлсэн гээд тоочиж болно. Би асуудлыг ач холбогдлынх нь эрэмбээр дэс дараатай толилуулахыг хичээе. Болгоон соёрхоно уу.

2019 онд Ард Санхүүгийн Нэгдэл үйл ажиллагааны хувьд 3.4 тэрбум төгрөг буюу нийт 5.4 тэрбум төгрөгийн дэлгэрэнгүй ашгийг бүртгэж ажиллалаа. Манай тусдаа баланс 78 тэрбум төгрөгт хүрсэн бол хөрөнгө оруулалтын маань багц 68.2 тэрбумд боллоо. Бид өнгөрсөн жил АрдКойныг анхлан гаргасны хувьд

хувьцаа эзэмшигчиддээ ARDX1 тэрбумыг хувь тэнцүүлсэн урамшуулал болгон олгож байсан бол энэ жил анх удаагаа ногдол ашиг тараах шийдвэрийг гаргаж, 1 тэрбум төгрөгийг хувьцаа эзэмшигчиддээ тараах болсныг дуулгахад таатай байна. Баяр хүргэе, та бүхэндээ – та бидний хамтын итгэл, зүтгэл ийм сайн үр дүн гаргасаар байна!

Өнгөрөгч 8 дугаар сард бидний олон жил төлөвлөж, хийж, ярьж, хүлээж ирсэн ажил хэрэгжсэн билээ – Ард Санхүүгийн Нэгдэл хувьцаат компани Монголын Хөрөнгийн Бирж дээр чөлөөтэй арилжаалагддаг компани болж чадсан юм. Бид AARD гэх тикертэй арилжаалагдаж байгаа бөгөөд оны сүүлчээр хамгийн идэвхтэй арилжаалагддаг үнэт цаасны тоонд зүй ёсоор орсон юм.

Ард Кредитын IPO хийгдэж, тус компанийн 25 хувийг нь бид олон нийтэд амжилттай санал болгон нийт 1,763 хүнээс 5.3 тэрбум төгрөг босгосноор Ард Санхүүгийн Нэгдлийн үнэлгээ 8.9 тэрбум төгрөгөөр өсч, харин бидний Ард Кредитэд эзлэх хувь 60.8 хувь болж буурсан юм. Ард Кредит 76.3 орчим мянган зээл олгож, 2.2 тэрбум төгрөгийн ашиг үйлдвэрлэлээ. Мөн Япон улсын Крауд Кредит Сан-тай хамтран ажиллах санхүүжилтийн гэрээнд гарын үсэг зурснаар нийт 5 сая доллартай тэнцэх төгрөгийн санхүүжилтийг татан төвлөрүүлэхээр болсон.

Бид оны эхэнд, Хөрөнгө Оруулагч Үндэстэн – 2019 Форумын үеэр Монголын анхны супер аппликэйшн болох Ард Аппыг олон түмэндээ танилцуулж, санал болгосон билээ. Энэ

аппликэйшн бүхий л утгаараа супер болж чадсан гэж бид үзэж байгаа: хүн ухаалаг гар утсаа ашиглан өөрөө өөрийгөө бүртгүүлэн зээл авах эрх нээгдэж, хадгаламжийн данс нээлгэн, даатгалын бүтээгдэхүүн, үйлчилгээнд хамрагдаж, үнэт цаасны арилжаанд оролцож, цахилгаан, байр, утасныхаа мөнгийг төлж, хүнсний болон барааны дэлгүүрээр үйлчлүүлээд зогсохгүй хийсэн үйлдэл, гүйлгээ бүртээ АрдКойноор урамшуулал авч, түүнийгээ цуглуулах, арилжаанд оролцох боломжийг нээсэн апп болсон юм. Ард Аппын бүртгэлтэй хэрэглэгчид 260 мянгад хүрч, Ард Койн хэрэглэгчдийн тоо 170 мянгад хүрэв. Харин Ард Кредит Монголбанкнаас цахим мөнгө, төлбөр тооцооны зөвшөөрөл авахаар өргөдлөө өгсөн болно.

Манай ТУЗ-ийн 2019 оны отгон хурлаас Ард Лайфыг дахин хөрөнгөжүүлж, нийт 15 тэрбумын хөрөнгө оруулалтыг хийх зөвшөөрлийг гаргасан билээ. Ингэснээр хувийн тэтгэврийн сангийн тухай хууль гармагц Ард Лайф зах зээл дээр түрүүлж хөдлөх боломжтой гэж харж байна.

2018 оны сүүлээр бид онлайн худалдааны салбарт Ард Шопыг эхлүүлэх шийдвэр гаргасан билээ. Ард Шоп өнөөдөр худалдан авагч, борлуулагч, хүргэлт гэсэн 3 том бие даасан системийг боловсруулж дуусгаад бүрэн ашиглаж байна. Монгол Улсад анх удаа Монгол Шуудантай системийн холболт хийн бүх орон даяар хүргэлттэй онлайн худалдааны платформ болсон бөгөөд, эхний ээлжинд БНХАУ-ын үйлдвэрлэгчдийн бүтээгдэхүүнийг Монголынхоо хэрэглэгчдэд хамгийн хямд үнээр санал болгож

эхэллээ. Оны 4 дүгээр улиралд бид Туркийн шуудангийн олон улсын цахим дэлгүүртэй хамтран ажиллах гэрээ байгуулснаар хамгийн хямд, хамгийн өргөн сонголттой цахим дэлгүүр болох зорилгодоо үндсэндээ хүрч байна. Ард Шоп нь өөрийн тусдаа вэб хуудас болон аппаас гадна Ард Апп дотор байршсанаар манай харилцагчдад шууд худалдан авалт хийх, төлбөр тооцоогоо түргэн гүйцэтгэх, АрдКойноор урамшуулал авах зэрэг олон давуу талууд олгож байна. Мөн төлбөр тооцоондоо Кэнди, Редпойнт, АрдКойн зэрэг хамгийн олон төрлийн урамшууллын онооны системийг ашиглан худалдан авалт хийх боломжуудыг бүрдүүлснээр цахим худалдааны цар хүрээ, хэрэглээг улам нэмэгдүүлж байна.

Ард Санхүүгийн Нэгдэл 2019 онд санхүүгийн тайлан балансын хувьд бүтцийн асар том өөрчлөлтийг хийв: актив талд стратегийн ач холбогдолтой хөрөнгө оруулалт болон холбогдох этгээдээс авах авлага л үлдлээ. Гуравдагч этгээдэд өгсөн зээл, стратегийн бус хөрөнгө оруулалтуудаас салж, холбогдох компаниуд хоорондын авлага, өглөгийг сайтар цэвэрлэв. Нөгөө талдаа бид бондын санхүүжилтийг эрчимжүүлж, банкны өр зээлээ хаалаа. Үүний үр дүнд санхүүгийн зардлыг бууруулж ажиллаж чадсан юм. Ингэснээр Ард Бит болон Ард Холдингс Интернэйшнл компаниудад AARD-ийн 10 хувийг тус бүр эзэмшүүлэх болов.

Компанийн нийт хөрөнгө үнэлгээ 78 тэрбум төгрөгт хүрч, хувьцаа эзэмшигч та бүгдийн хөрөнгийн үнэ цэнэ 7 тэрбум төгрөгөөр нэмэгдэж, 56 тэрбум төгрөгт хүрэв. Монгол

Шуудан 1.1 тэрбум, Ард Даатгал 1.7 тэрбум, Ард Кредит 2.2 тэрбум төгрөгийн ашигтай тус бүр ажилласан нь манай багцын өсөлтөнд гол үүргийг гүйцэтгэлээ.

Монголын Хөрөнгийн Бирж дээрх арилжаанд манай дөрвөн компани зонхилох байр суурьтай болов. Зах зээлийн хөгжил сул байгаа нь бидэнд боломжийг олгож байгаа бөгөөд бид даатгал, тэтгэврийн сангуудаараа зах зээл дээрх гол хөрөнгө оруулагч болж эхэллээ. 2019 оны гүйцэтгэл дээр тулгуурлан манай багцын 4 компани дөрвүүлээ Монголын Хөрөнгийн Биржийн ТОП20 Индекс бичигдэх болсон юм.

Группын хувьд нийт 3.3 тэрбум төгрөгийн өөрийн хувьцааг худалдан авсан бөгөөд оны сүүлчээр Монгол Шуудангийн 3.6 хувийг нэмж худалдан авах шийдвэрийг гарган 2.2 тэрбум төгрөгний гэрээг үзэглэв. Ард Шопын гэрээгээр бид 240 сая төгрөгийн төлбөрийг хийсэн бол 8 тэрбумын үл хөдлөх хөрөнгийн наймааг хийж гүйцэтгэжээ.

Монгол Улсад анхных нь болох блокчэйн дээр суурилсан АрдКойн нь гадаад дотоодын 3 бирж дээр бүртгэгдэн арилжаалагдаж эхэлсэн бөгөөд CoinMarketCap, Blockfolio, LiveCoinWatch зэрэг тэргүүлэх платформууд дээр орж чадлаа. АрдКойныг эрхлэн гаргадаг АрдБитыг бид Сингапурт бүртгүүлэх ажиллагаа явагдсаар байна.

Системийн хувьд бизнесийн хяналтын Табло, бизнесийн үндсэн систем болох Поларисыг группын хэмжээнд нэвтрүүлэв.

Маркетингийн чиглэлээр хийсэн ажлууд олон

бий. Олны дунд Ардыг таниулах, иргэдийн санхүүгийн боловсролыг дээшлүүлэх зорилгоор Монгол HD телевизийн өглөөний хөтөлбөрийн мөнгө санхүүгийн буланг ажиллуулж, боловсролын салбарын хөгжилд хувь нэмрээ оруулах зорилгоор Боловсрол телевизийн “Би Багш” нэвтрүүлгийг ивээн тэтгэв.

Сошиал медиа сувгаар харилцагч, дэмжигчидтэйгээ өдөр бүр харилцаж, тэдний дунд урамшуулалт уралдаан, тэмцээнүүдийг оны туршид зохион байгуулав. Автомашин азтан шалгаруулах 2 удаагийн хөтөлбөрт хэрэглэгчид Ард апп ашигласны урамшуулалд цуглуулсан АрдКойноороо оролцлоо. Өнгөрсөн жил бид нийт 1.5 тэрбум ширхэг АрдКойныг харилцагчиддаа урамшууллаар олгосон байна.

Цахим худалдааны хямдрал, урамшууллын хамгийн том арга хэмжээ болох Цагаан Сугарыг анх удаа зохион байгууллаа.

Харилцагчдад үйлчлэх Дуудлагын төвийг ажиллуулж, харилцагчийн хүссэн мэдээллийг нь түргэн шуурхай хүргэлээ.

Михаил Зелдович, Жеймс Андерсон, Мөнх-Очирын Сэргэлэн нар 4 дүгээр сард болсон хувьцаа эзэмшигчдийн хурлаар ТУЗ-д сонгогдсон бол 9 сард Арно Вентура нэмэгдэж орж ирлээ. ТУЗ-ийн Нарийн Бичгийн Даргаар Х. Хулан ажиллаж байгаа бол А. Батболд Компанийн Нарийн Бичгийн Даргын албыг давхар хашиж байна.

Ард Санхүүгийн Нэгдлийн Хөрөнгө Оруулалт Эрхэлсэн Захирлаар Э. Амарбаясгалан,

Маркетинг Эрхэлсэн Захирлаар Б. Ариунаа, Ард Лайфын Гүйцэтгэх Захирлаар Б. Гантулга ажиллаж эхэллээ. Харин оны дундуур Ард Кредитын Гүйцэтгэх Захирал Ч. Ганзориг ажлаа өгснөөр шинэ Гүйцэтгэх захирлын эрэл хайгуул хийгдэж, 2020 оны эхнээс Г. Тэлмэн түүнийг орлон ажиллахаар болов.

Бид ажилчдын хөрөнгө оруулалтын компани болох EIT-ээр дамжуулан жил бүр нэг сарын цалинтай дүйцэх хэмжээний хувьцаа эзэмших эрхийг нийт ажилтнууддаа эдлүүлсээр 3 жил боллоо. Өнгөрсөн жил бид 2 жилийн локаптай Ард Даатгалын хувьцааг нийт ажилтнууддаа эзэмшүүлсэн бөгөөд 265.6 саяыг ТУЗ-ийн гишүүдэд, 200.9 саяыг удирдлагын багт, 49.5 саяыг ажилтнуудад хуваарилла. Мөн Ард Даатгал, Ард Кредитын багууд IPO хийсэнтэй холбоотой нэг удаагийн 175 саяын урамшуулал авсан байна. Нийт 45 сая ширхэг АрдКойныг түнш болох Мост, ГрэйпСити, КриптоҮндэстэн болон Дижитал Эксчэйнж Монголиагийн нөхдөдөө тараав.

Нийгмийн хариуцлагын хүрээнд 2019 онд Группын хэмжээнд аж ахуйн нэгжийн орлогын албан татварт 431 сая төгрөгийг, хувь хүний орлогын албан татварт 333 сая төгрөг, нийгмийн даатгалын шимтгэлд 930 сая төгрөгийг, бусад татварт 311 сая төгрөгийг буюу нийтдээ 2 тэрбум төгрөгийн татвар, шимтгэлийг улсын төсөвт бүрдүүлсэн байна. Үүнээс гадна 100 гаруй сая төгрөгийг ажилтнуудын хувийн тэтгэврийн

сангийн дансанд Ардын компаниудаас байршуулж, ажилтнуудынхаа ирээдүйн санхүүгийн баталгааг бэхжүүлсэн юм.

Сүүлийн 16 жилийн туршид бидний зүгээс уйгагүй зүтгүүлсэн ажил үр дүнгээ өгч, тэтгэврийн шинэчлэл Монгол Улсад хийгдэх хөрс, суурь тавигдлаа. Үүний хажуугаар даатгалын салбарын шинэчлэл, хөрөнгийн зах зээлийн хөгжлийг хурдасгах нийгэмд чиглэсэн олон төрлийн ажлыг бид хийсээр байна. 2019 онд бид 2 удаа Хөрөнгө Оруулагч Үндэстэн Форум арга хэмжээг хийж амжууллаа. Энэхүү арга хэмжээ нь Монголын хөрөнгө оруулалтын хамгийн том арга хэмжээ хэвээр байгаад баяртай байна.

Бид Төв Азид өргөжин тэлэх боломжийг судлаж эхлэв. Хөрөнгө оруулалтын судалгаа шалгалтыг Казахстан, Киргизстанд хийв. Манай хөрөнгө оруулалтын сангийн зөвшөөрлийг Санхүүгийн Зохицуулах Хорооноос зөвшөөрснөөр бид Үндэсний Хувьчлалын Сангийн үйл ажиллагааг 2020 онд эхлүүлэх боломж бүрдлээ.

Бид банкинд хөрөнгө оруулалт хийхээр бэлтгэл ажлыг эхэллээ. Үүний хажуугаар бид дунд хугацаанд олон улсын бирж дээр бүртгэлтэй болоход зэхэж байна. Ард Холдингс Интернэйшнл, Ард Лизинг үйл ажиллагаагаа эхлүүлээд байгаа бол Ард Пропертиз, Ард Рийл Эстэйт компаниудыг улсын бүртгэлд хамрууллаа.

Эрхэм зорилго

Хөрөнгө Оруулагч Үндэстэнг цогцлоох

Алсын хараа

Бүс нутагтаа тэргүүлэх Финтек нэгдэл болох

Мөрдөх зарчим

Хувьцаа эзэмшигчдийн эрх ашгийг дээдэлж ажиллана;

Ёс зүйн хэм хэмжээг өндөрт тогтоон дагаж, хууль тогтоомжийг чандлан мөрдөхийн зэрэгцээ хүйсийн тэнцвэртэй байдлыг хангаж ажиллана;

Хөрөнгө оруулалтын өгөөж, эрсдэлийн харьцааг зохистой түвшинд барьж ажиллана;

Сайн засаглал, ил тод байдлыг байгууллагын бүх түвшинд нэвтрүүлэн ажиллана;

Нээлттэй уян хатан бодлого баримталж, зах зээлийн мэдрэмжтэй, хурдан шуурхай ажиллахыг эрмэлзэнэ;

Шинийг нэвтрүүлж, бүтээлч түйвээлтээр манлайлах бодлогыг мөрдөж ажиллана;

Харилцагчийн үйлчилгээг дээд зэрэгт барих бодлогыг чандлан мөрдөнө;

Хамгийн авъяаслаг, хүчирхэг, мэргэжлийн, цомхон, үйл хэрэгтээ үнэнч хамт олныг бүрдүүлж ажиллах бөгөөд шинээр ажилд орох босгыг өндөрт тогтоож, ажлын байранд тавигдах шаардлага, хариуцлагыг чанд мөрдөнө;

Нийгмийн хариуцлага өндөртэй, нийгэмд эерэг өөрчлөлтийг түүчээлж ажиллана;

Хууль эрх зүйн болон бизнесийн орчиндоо шаардагдаж буй өөрчлөлтүүдийг бий болгохын төлөө санаачилга гаргаж ажиллана;

Байгаль орчин, эх дэлхийгээ хайрлан хамгаалах шилдэг стандартыг нэвтрүүлж ажиллана;

Бүтээгдэхүүн үйлчилгээндээ өөрсдийн итгэл үнэмшил, философийг шингээж ажиллана.

Давуу шинж чанар

Өрсөлдөх чадвар, үр ашиг болон дэвшилтэт технологийг цогцлуулсан түншлэл

Амжилттай хөрөнгө оруулалтын туршлага, ил тод засаглал

Шинэ санаа, төслийг хэрэгжүүлэгч олон улсад танигдсан хамт олон

Хөрөнгө оруулалтын тогтвортой өгөөж

Зах зээлийн боломжийг үнэ цэнд хүргэх туршлага

Хөрөнгө оруулагч үндэстэн танигдсан брэнд

Үндэсний хэмжээний цогц дэд бүтэц

Энтрепренёр соёл

2019 он тоогоор



Сая төгрөгөөр	2018	2019	Өөрчлөлт
Зээлийн багц	9,836	5,319	-45.92%
Үндсэн хөрөнгө	971	769	-20.80%
Стратегийн хөрөнгө оруулалтын багц	40,331	67,288	79.14%
Тактикийн хөрөнгө оруулалтын багц	3,480	950	-72.70%
Нийт хөрөнгө	60,467	78,072	29.12%
Богино хугацаат өр төлбөр	2,234	4,873	118.13%
Урт хугацаат өр төлбөр	7,722	16,617	115.19%
Нийт өр төлбөр	9,956	21,489	115.94%
Эздийн өмч	50,511	56,582	12.02%
Нийт орлого	5,131	11,471	123.56%
Нийт зардал	4,490	7,292	62.41%
Цэвэр ашиг	668	3,405	409.73%
Нийт ашиг	7,398	5,448	-26.36%
Эргэлтэнд буй нийт хувьцаа	17,194,364	27,175,629	
Нийт үнэлгээ	52,599	59,624	13.41%
Нэгж хувьцааны өгөөж (төгрөг)	430	200	
Нэгж хувьцааны үнэлгээ (төгрөг)	3,051	2,195	

	2018	2019	Өөрчлөлт (пункт)
Зээлийн багц/Хөрөнгө	16.27%	6.82%	-9.45%
Хөрөнгө оруулалт/Хөрөнгө	72.45%	87.43%	14.98%
Өр төлбөр/Хөрөнгө	16.47%	27.53%	11.06%
Хөрөнгө оруулалт/Өөрийн хөрөнгө	86.74%	120.63%	33.89%
Цалингийн зардал/Нийт зардал	20.66%	15.78%	-4.88%
Хүүний зардал/Нийт өр төлбөр	8.58%	6.78%	-1.80%
Үйл ажиллагааны зардал/Хөрөнгө	4.47%	6.00%	1.53%
ROE (өөрийн хөрөнгийн өгөөж)	14.65%	9.63%	-5.02%
ROA (нийт хөрөнгийн өгөөж)	12.23%	6.98%	-5.25%

Компанийн тухай

2019 оны онцлох үйл явдал

Анх 2000 онд Нэгдсэн Үндэстний Байгууллагын Хөгжлийн Хөтөлбөрийн Монгол дахь суурин төлөөлөгчийн газар болон АНУ-ын Мэрси Кор төрийн бус байгууллага ХасБанкны нийт ажиллагсдад зориулан 600 сая төгрөгийг ажиллагсдын хувьцаа эзэмшүүлэх санд хандивлах шийдвэрийг гаргасан юм. Улмаар ХасБанкны ажиллагсад тус сангаас олгогдсон хувьцааны үнэ цэнийг өсгөх, хөрөнгө оруулалтаа нэмэгдүүлэх зорилгоор өөрийн хувьцаагаа ХасБанкны толгой компани болох ХАС-ГЭ ХХК-ийн хувьцаагаар солих байдлаар хөрөнгө оруулалт хийсэн болно.

ХАС-ГЭ ХХК нь тухайн үеийн удирдлагын шийдвэрийн дагуу ТэнГэр Санхүүгийн Нэгдэл ХХК болж өөрчлөгдсөн бөгөөд санхүүгийн үйлчилгээ үзүүлдэг томоохон компаниудын нэгдэл болж өргөжсөн билээ.

Ард Санхүүгийн Нэгдэл нь 2005 оны 9 сард ХасБанкны үүсгэн байгуулагч Гүйцэтгэх удирдлагын санаачлагаар "Employee Investment Trust" буюу ИАЙТи ХХК нэртэйгээр байгуулагдсан бөгөөд Монголын анхдагч институционал хөрөнгө оруулагчийн үндэс суурь ийнхүү тавигдсан түүхтэй.

ИАЙТи нь 2005 онд үүсгэн байгуулагдах үедээ нийт 1.2 сая төгрөгийн дүрмийн сантай, 10 хувьцаа эзэмшигчтэй байсан бол 2018 оны жилийн эцсийн байдлаар 3,000 гаруй хувьцаа эзэмшигчтэй, 52 орчим тэрбум төгрөгийн хөрөнгөтэй болж өргөжсөн байна. 2013 онд манай гол хувь нийлүүлэгчид шинэ стратегийн зорилгоо тодорхойлж,

Ард Санхүүгийн Нэгдэл гэх нэрэн дор үйл ажиллагаагаа явуулах түүхэн шийдвэрийг гаргасан юм. Энэхүү төлөвлөгөөний хүрээнд бид Ард Кредит, Ард Даатгал, Ард Секюритиз, Ард Лайф болон Ард Активд тасралтгүй хөрөнгө оруулж эхэлсэн билээ. 2016 онд Ард Санхүүгийн Нэгдэл ХК нь Монголын Хөрөнгийн Бирж дээр болсон томоохон хувьчлалд амжилттай оролцож Монгол Шуудан ХК-ийн гол хөрөнгө оруулагч нь болж чадсан юм. 2017 онд манай үндсэн хөрөнгө оруулалтын багцад хөрөнгө оруулалтын сангийн удирдлагыг хэрэгжүүлэх Ард Менежмент, криптовалютын арилжаа эрхлэх Ард Бит компаниуд нэмэгдсэн байна. 2018 оноос ТэнГэр Системс компани өөрийн үйл ажиллагааны чиглэлд шинэчлэл хийж, блокчэйн технологи руу шилжиж эхлэв.

Бид хүн бүр бүтээсэн баялгаасаа хувь хүртэх ёстой, харилцагч иргэн бүр банкныхаа эзэн нь байх ёстой гэсэн итгэл үнэмшилдээ хөтлөгдөн 2015 онд Ард Холдингсыг хаалттай хувьцаат компани болгосон билээ. 2017 оны төгсгөлд Хөрөнгө Оруулагч Үндэстэн Жинст-Увс нээлттэй ХК-тай урвуу хэлбэрээр нэгдэж МХБ дээр арилжаалагдаж эхэлсэн нь бид нээлттэй компани болох бэлтгэл ажил хангагдсаныг нотолсон юм. 2019 онд дахин Ард Санхүүгийн Нэгдэл Жинст-Увс нээлттэй ХК-тай урвуу нэгдлээр нэгдэж Монголын Хөрөнгийн бирж дээр AARD тикертэй шинэхэн компани болон мэндэллээ.

1 сарын 15 Ард Бит компани АрдКойн лоялти оноог гаргалаа

1 сарын 19 Хөрөнгө Оруулагч Үндэстэн чуулган зохион байгуулагдлаа

1 сарын 19 Ард Аппын 2-р хувилбарыг олон нийтэд танилцуулав

2 сарын 19 Ард Даатгал ХК нь 2018 оны цэвэр ашгийн 50 хувийг хувьцаа эзэмшигчдэд ногдол ашгаар хуваарилахаар шийдвэрлэлээ.

3 сарын 1 Ард Кредитийн (MSE: ADB) IPO амжилттай болж, хувьцааны захиалга 300% давж биеллээ.

4 сарын 5 Ард Апп-аар дамжуулан үнэт цаасны дансаа онлайнаар нээдэг боллоо.

4 сарын 8 АрдКойн Монголын цорын ганц криптовалютын арилжааны платформ болох Trade.mn дээр арилжаалагдах боллоо. ARDX/MNT анхны арилжаа явагдлаа.

4 сарын 27 Ард Санхүүгийн Нэгдэл, Ард Даатгал, Ард Кредит, Жинст Увс ХК-иудын хувьцаа эзэмшигч нарын ээлжит хурал Зайсан Хилл-д зохион байгуулагдлаа.

4 сарын 27 Анх удаагаа Ард Санхүүгийн Нэгдэл 1 тэрбум төгрөгтэй тэнцэх хувь тэнцүүлсэн урамшууллыг олголоо.

6 сарын 21 Ард Апп хэрэглэгчдийн тоо 200,000, Ард Кредитын харилцагчдийн тоо 100,000 хүрлээ.

7 сарын 8 Санхүүгийн Зохицуулах Хорооноос Ард Менежмент ХХК-д Үндэстний Хувьчлалын Сан хаалттай хамтын хөрөнгө оруулалтын санг байгуулах зөвшөөрөл олголоо.



Хувьцаа эзэмшигчдийн бүтэц

7 сарын 23	Харилцагчид Ardshop.mn-ээр дамжуулан гадаад захиалга хийх боломжтой боллоо.
8 сарын 8	Ард Санхүүгийн Нэгдэл Жинст-Увстай нэгдсэнээр нээлттэй компани болж, хувьцааны арилжаа нээгдлээ.
8 сарын 22	АрдКойн (ARDX) Австралийн BTCEXA олон улсын бирж дээрх арилжаалагдахаар боллоо.
9 сарын 2	АрдКойн (ARDX) олон улсын КойнМэрит криптовалют мэдээллийн санд бүртгэгдлээ.
9 сарын 2	АрдКойн (ARDX) олон улсын КойнГэко криптовалют мэдээллийн санд бүртгэгдлээ.
9 сарын 18	АрдКойн (ARDX) олон улсын томоохон криптовалютын бирж болох Стэкс (STEX) дээр арилжаалагдаж эхэллээ.
11 сарын 29	Ард Санхүүгийн Нэгдэл Монгол Шуудан ХК-ийн 3.6 хувийг нэмж авлаа.
12 сарын 1	Хөрөнгө Оруулагч Үндэстэн - 2020 чуулга уулзалт "Ирээдүйдээ эзэн байя" гэсэн уриан дор зохион байгуулагдлаа.
12 сарын 1	Ард Аппын шинэ хувилбар гарлаа. 3-р хувилбар
12 сарын 2	Ард Санхүүгийн Нэгдэл Ард Лайф ХХК-ийг дахин хөрөнгөжүүлэх, үйл ажиллагааг нь тэлэх зорилгоор нэмж 9 тэрбум төгрөгийн хөрөнгө оруулалт хийх шийдвэр гарлаа.
12 сарын 19	АрдКойн нь олон улсын криптовалютын платформууд болох CoinMarketCap, Live-CoinWatch болон Blockfolio дээр бүртгэгдлээ.

#	Хувьцаа эзэмшигч	2019	Хувь
1	Ард Бит	4,243,090	14.8%
2	Ард Холдингс Интернэйшнл	2,874,410	10.0%
3	Хишигдорж Батхишиг	2,657,214	9.3%
4	Бруно Рашле	2,074,922	7.3%
5	Ард Лайф	1,365,018	4.8%
6	Галням Уянга	1,330,147	4.6%
7	Чулуун Ганхуяг	1,239,374	4.3%
8	Ард Секюритиз	1,007,392	3.5%
9	Авир Сүхдорж	536,417	1.9%
10	Ронк Лимитэд	479,111	1.7%
11	Сэдбазар Гэрэлтуяа	455,717	1.6%
12	Ард Даатгал	435,362	1.5%
13	И Ай Ти	331,253	1.2%
14	Лхагвасүрэн Соронзонболд	315,069	1.1%
15	Масик Энтерпрайзэс	269,483	0.9%
Топ хувьцаа эзэмшигчид		19,613,979	68.5%
Бусад хувьцаа эзэмшигчид		7,561,650	26.5%
Эргэлтэнд байгаа хувьцаа		27,175,629	95.0%
Халаасны хувьцаа		1,438,634	5.0%
Нийт гаргасан хувьцаа		28,614,263	
Хувьцаа эзэмшигчид		4,063	



Төлөөлөн Удирдах Зөвлөл



Пүрэвжаргал БАТБАЯР
ТУЗ-ийн дарга,
Ард Санхүүгийн Нэгдэл



Чулуун ГАНХУЯГ
Гүйцэтгэх захирал,
Ард Санхүүгийн Нэгдэл



БРУНО Рашле
Дэд дарга,
Шродер Адвек



Чулуун МӨНХБАТ
Ерөнхийлөгч,
Саусгоби сэндс



Мөнх-Очир СЭРГЭЛЭН
Монгол Коосэн Технологийн
коллежийн захирал



Михаил ЗЕЛДОВИЧ
Хяналтын зөвлөлийн дарга,
Кокуун капитал



Авир СҮХДОРЖ
БСБ Сервис, ГрэйпСити
Монгол, МОСТ Финтек
компаниудын үүсгэн
байгуулагч



Хишигдорж БАТХИШИГ
Гүйцэтгэх захирал,
Хишиг Арвин Индустриал



Одончимэд ОДБАЯР
Дэд захирал,
Эрдэнэс Монгол ХХК



Жеймс АНДЕРСОН
ТУЗ-ийн дарга, Азийн Кредит
Сан



Арнауд ВЕНТУРА
Үүсгэн байгуулагч,
Баобаб Групп



**Эрх бүхий
албан тушаалтнууд**



Чулуун ГАНХУЯГ
Гүйцэтгэх захирал



Батбилэг ЗОЛБОО
Санхүү эрхэлсэн
захирал



Жаргалан АЛТАНГҮНИЙ
Үйл ажиллагаа хариуцсан
захирал



Мөнхбат МӨНХ-ЭРДЭНЭ
Дотоод аудитор



Ариясүрэн БАТБОЛД
Корпоратив нарийн
бичгийн дарга



Хангай ХУЛАН
ТУЗ-ийн нарийн бичгийн
дарга



Баяраа АРИУНАА
Маркетинг хариуцсан
захирал



Гарьд ТЭНҮҮН
Дижитал Технологийн
захирал



Энхсайхан АМАРБАЯСГАЛАН
Хөрөнгө оруулалт
хариуцсан захирал

Эдийн засгийн орчин

Улсын нэгдсэн төсвийн нийт орлого ба тусламжийн хэмжээ 2019 оны урьдчилсан гүйцэтгэлээр 11.9 их наяд төгрөг, үүнээс нийт тэнцвэржүүлсэн орлого, тусламж нь 10.8 их наяд төгрөг болж, нийт орлогын 90.5 хувийг эзэлж байна. Харин нийт зарлага, эргэж төлөгдөх цэвэр зээлийн нийт хэмжээ 11.4 их наяд төгрөг болж, тэнцвэржүүлсэн нийт тэнцэл 627.8 тэрбум төгрөгийн алдагдалтай гарлаа. Улсын нэгдсэн төсвийн орлогын 81.7 хувийг татварын орлого, 8.8 хувийг татварын бус орлого, 8.7 хувийг ирээдүйн өв сангийн орлого, 0.8 хувийг тогтворжуулалтын сангийн орлого эзэлж байна.

Татварын нийт орлого 2019 онд 9.7 их наяд төгрөг болж, өмнөх оноос 18.8 хувиар буюу 1.5 их наяд төгрөгөөр өсөхөд орлогын албан татвар 22.1 хувь буюу 460.8 тэрбум төгрөг, нийгмийн даатгалын орлого 21.9 хувь буюу 355.0 тэрбум төгрөг, нэмэгдсэн өртгийн албан татвар 13.1 хувь буюу 288.0 тэрбум төгрөг, бусад татвар, төлбөр хураамжийн орлого 28.8 хувь буюу 205.2 тэрбум төгрөг, онцгой албан татвар 14.4 хувь буюу 109.0 тэрбум төгрөг, гадаад үйл ажиллагааны орлого 15.8 хувь буюу 107.7 тэрбум төгрөгөөр өссөн нь нөлөөлсөн байна. Татварын орлогод орлогын албан татвар 26.1 хувь, нэмэгдсэн өртгийн албан татвар 25.5 хувь, нийгмийн даатгалын орлого 20.3 хувь бусад татвар 11.2 хувь, онцгой албан татвар 8.9 хувь, гадаад үйл ажиллагааны орлого 8.1 хувийг эзэлж байна. Нийт татварын орлогод орлогын албан татварын эзлэх хувь 0.7 пункт, бусад татвар, хураамжийн орлого 0.6 пункт, нийгмийн даатгалын сангийн орлого 0.5 пунктээр өсөж, нэмэгдсэн өртгийн албан татвар 1.3 пункт, онцгой албан татвар 0.3 пункт, гадаад үйл ажиллагааны орлого 0.2 пунктээр буурсан байна.

Улсын нэгдсэн төсвийн зарлага ба эргэж төлөгдөх цэвэр зээлийн хэмжээ 2019 оны урьдчилсан гүйцэтгэлээр 11.4 их наяд төгрөг болж, өмнөх оноос 23.9 хувиар буюу 2.2 их наяд төгрөгөөр өссөн байна. Зарлагын өсөлтөд урсгал зардал 11.7 хувь буюу 859.7 тэрбум төгрөг, эргэж төлөгдөх төлбөрийг хассан цэвэр зээл 51 хувь буюу 136.2 тэрбум төгрөг, хөрөнгийн зардал 75.3 хувь буюу 1.2 их наяд төгрөгөөр өссөн нь нөлөөлжээ. Улсын нэгдсэн төсвийн зарлага, эргэж төлөгдөх цэвэр зээлийн нийт дүнд урсгал зардал 71.8 хувь, хөрөнгийн зардал 24.7 хувь, эргэж төлөгдөх төлбөрийг хассан цэвэр зээл 3.5 хувийг эзэлж байна.

Урсгал зардалд бараа үйлчилгээний зардал 48.6 хувь, урсгал шилжүүлэг 37.3 хувь, хүүгийн зардал 10.5 хувь, татаас 3.6 хувийг тус тус эзэлж байна. Хөрөнгийн зардалд 2019 оны урьдчилсан гүйцэтгэлээр 2.8 их наяд төгрөг зарцуулсан нь өмнөх оноос 75.3 хувиар буюу 1.2 их наяд төгрөгөөр өсжээ. Хөрөнгийн зардал өсөхөд барилга байгууламжийн зардал 2.1 дахин буюу 1.1 их наяд төгрөг, их засварын зардал 91.7 хувь буюу 77.9 тэрбум төгрөг, бусад хөрөнгийн зардал 7.3 хувь буюу 22.7 тэрбум төгрөг, стратегийн нөөц хөрөнгийн зардал 61.0 хувь буюу 7.4 тэрбум төгрөгөөр өссөн нь нөлөөлсөн байна. Хөрөнгийн зардалд барилга байгууламжийн зардал 75.1 хувь, бусад хөрөнгийн зардал 11.8 хувь, тоног төхөөрөмжийн зардал 6.6 хувь, их засварын зардал 5.8 хувь, стратегийн нөөц хөрөнгийн зардал 0.7 хувийг тус тус эзэлж байгаа нь өмнөх оноос барилга байгууламжийн зардал 13.4 пункт, их засварын зардал 0.5 пунктээр өсөж, харин бусад хөрөнгийн зардал 7.5 хувь, тоног төхөөрөмжийн зардал 6.5 хувь, стратегийн нөөц хөрөнгийн зардал 0.1 пунктээр тус тус буурчээ.

Монгол Улс 2019 онд нийт 152 улстай худалдаа хийж, гадаад худалдааны нийт бараа эргэлт 13.7 тэрбум америк доллар, үүнээс экспорт 7.6 тэрбум америк доллар, импорт 6.1 тэрбум америк долларт хүрлээ. Нийт бараа эргэлтийн хэмжээ өмнөх оны мөн үеэс 6.7 хувиар буюу 860.6 сая америк доллар, үүнээс экспорт 8.7 хувиар буюу 608.0 сая америк доллароор, импорт 8.0 хувиар буюу 252.6 сая америк доллароор тус тус өсжээ. Монгол Улсын гадаад худалдааны тэнцэл 2014 оноос эхлэн ашигтай гарч эхэлсэн бөгөөд 2019

Мөнгө, санхүү

Мөнгөний нийлүүлэлт (M2) 2019 оны 12 сарын эцэст 20.8 их наяд төгрөг болж, өмнөх оны мөн үеэс 6.8 хувиар буюу 1.3 их наяд төгрөгөөр өсөхөд төгрөгийн хадгаламж 923.0 тэрбум төгрөгөөр, валютын хадгаламж 464.2 тэрбум төгрөгөөр өссөн нь нөлөөлсөн байна. Мөн гүйлгээнд гаргасан бэлэн мөнгө 2019 оны эцэст 897.4 тэрбум төгрөг болж, өмнөх оны мөн үеэс 7.4 хувиар буюу 71.2 тэрбум төгрөгөөр буурсан байна. Энэхүү бууралтад төгрөгийн харилцах 59.0 тэрбум төгрөгөөр, хадгаламжийн байгууллагаас гадуурх мөнгө 56.0 тэрбум төгрөгөөр буурсан нь нөлөөлжээ.

Төгрөгийн хадгаламж 2019 оны 12 сарын эцэст 11.1 их наяд төгрөг болж, өмнөх оны эцсээс 9.1 хувиар буюу 923.0 тэрбум төгрөгөөр өссөн байна. Төгрөгийн хадгаламжийн 84.7 хувь буюу 9.4 их наяд төгрөг нь иргэдийн хадгаламж, 15.3 хувь буюу 1.7 их наяд төгрөг нь аж ахуйн нэгж, байгууллагын хадгаламж байна. Харин валютын хадгаламж 3.5 их наяд төгрөг болж, өмнөх оны эцсээс 15.4 хувиар буюу 464.2 тэрбум төгрөгөөр өссөн байна.

оны урьдчилсан гүйцэтгэлээр ашгийн хэмжээ 1.5 тэрбум долларт хүрч өмнөх оноос 31.3 хувиар буюу 355.4 сая доллароор өссөн байна. Хэрэглээний бараа, үйлчилгээний үнэ 2019 оны 12 сард улсын хэмжээнд өмнөх оны эцсээс 5.2 хувиар өссөн байна. Инфляцын түвшин 2016 оны 12 сард 1.3 хувь, 2017 оны 12 сард 6.4 хувь, 2018 оны 12 сард 8.1 хувь гарч байсан бол 2019 оны 12 сард 5.2 хувь болж өмнөх оноос 2.9 пунктээр буурсан байна. Инфляцын жилийн дундаж түвшин 2018 онд 6.8 хувь байсан бол 2019 онд 7.3 хувьд хүрлээ.

Аж ахуйн нэгж, байгууллага, иргэдэд олгосон нийт зээлийн өрийн үлдэгдэл 2019 оны 12 сарын эцэст 18.1 их наяд төгрөг болж, өмнөх оны мөн үеэс 5.1 хувиар буюу 870.4 тэрбум төгрөгөөр өссөн байна. Нийт зээлийн өрийн үлдэгдлийн 52.1 хувь буюу 9.4 их наяд төгрөг нь иргэдийн, 47.9 хувь буюу 8.7 их наяд төгрөг нь аж ахуйн нэгж, байгууллагынх байна.

2019 оны 12 сарын эцэст хэвийн зээлийн өрийн үлдэгдэл 15.4 их наяд төгрөг болж, өмнөх оны эцсээс 5.9 хувиар буюу 854.6 тэрбум төгрөгөөр өсжээ. Хэвийн зээлийн өрийн үлдэгдэл нийт зээлийн өрийн үлдэгдлийн 85.4 хувийг эзэлж, өмнөх оны эцсээс 0.7 пунктээр өссөн байна. Мөн хугацаа хэтэрсэн зээлийн өрийн үлдэгдэл 824.0 тэрбум төгрөг болж, өмнөх оны эцсээс 2.9 хувиар буюу 24.8 тэрбум төгрөгөөр буурснаар нийт зээлийн өрийн үлдэгдлийн 4.6 хувийг эзэлж, өмнөх оны эцсээс 0.3 пунктээр буурсан байна. Харин банкны системийн хэмжээгээр чанаргүй зээл 1.8 их наяд төгрөг болж, өмнөх оны эцсээс 2.3 хувиар буюу 40.6 тэрбум төгрөгөөр өссөнөөр нийт зээлийн өрийн үлдэгдлийн 10.1 хувийг эзэлж, өмнөх оны эцсээс 0.3 пунктээр буурсан байна.

Хөрөнгийн зах зээл

2019 оны 12 сарын 31-ний өдрийн байдлаар МХБ-д бүртгэлтэй олон нийтэд хувьцаа нь арилжигдаж буй компаниудын нийт зах зээлийн үнэлгээ нь 2.7 их наяд төгрөг байгаа нь өмнөх оны мөн үеэс 7.27 хувиар буюу 182.3 тэрбум төгрөгөөр өссөн үзүүлэлттэй гарчээ. Мөн хамгийн өндөр зах зээлийн үнэлгээтэй 30 компанийн нийлбэр үнэлгээ нь нийт зах зээлийн үнэлгээний 90.8 хувийг эзэлж байгаа бөгөөд Ард Санхүүгийн Нэгдэл, Ард Даатгал, Ард Кредит, Монгол Шуудан энэхүү жагсаалтанд багтаж байна.

Тайлант хугацаанд ТОП-20 индексийн дээд үзүүлэлт 21,888.16 нэгж, доод үзүүлэлт 17,922.82 нэгж, дундаж үзүүлэлт 19,978.13 нэгж байна. ТОП-20 индексийг өмнөх оны мөн үетэй харьцуулахад 1,844.90 нэгжээр буюу 8.59 хувиар буурч, 19,621.86 нэгж болсон байна. 2019 оны 12 сарын 31-ний өдрийн байдлаар нийт 251 удаагийн арилжаагаар 132 компанийн 450.3

сая ширхэг хувьцааг 133.5 тэрбум төгрөгөөр, ЗГҮЦ-ны хоёрдогч зах зээлийн арилжаагаар 97.4 мянган ширхэг үнэт цаасыг 9.7 тэрбум төгрөгөөр тус тус арилжиж, нийт 143.2 тэрбум төгрөгийн гүйлгээ хийсэн байна.

Нийт гүйлгээний үнийн дүнгийн 93.3 хувийг хувьцааны арилжааны гүйлгээний дүн, 6.7 хувийг ЗГҮЦ-ны арилжааны гүйлгээний дүн тус тус эзэлж байна. Тайлант хугацаанд нийт 251 удаагийн арилжаагаар 132 компанийн 450.3 сая ширхэг хувьцааг 133.5 тэрбум төгрөгөөр арилжаалсан. Хувьцааны арилжааны 41.87 хувь буюу 55.9 тэрбум төгрөгийн гүйлгээг багцын арилжаа, 31.8 хувь буюу 42.4 тэрбум төгрөгийн гүйлгээг анхдагч зах зээлийн арилжаа, 3.5 хувь буюу 4.6 тэрбум төгрөгийг тендер арилжаа, 22.8 хувь буюу 30.5 тэрбум төгрөгийг энгийн арилжаа тус тус эзэлж байна.

Тайлант хугацаанд өдөрт дунджаар 570.5 сая төгрөгийн гүйлгээ хийгдэж, 1.8 сая ширхэг үнэт цаас арилжигдсан байна.

Үнэт цаас	2015	2016	2017	2018	2019
Хувьцаа	30.5	49.0	76.4	210.0	133.5
ЗГҮЦ	515.5	299.6	772.5	33.5	9.7
Компанийн бонд	0.5	0	10.2	0.6	0
Нийт	546.5	348.6	859.1	244.1	143.2

Валютын зах зээл

Монголбанкнаас зарласан төгрөгийн доллартай харьцах сарын дундаж ханш 2019 оны 12 сард 2,727.34 төгрөг болж, өмнөх оны эцсээс 3.4 хувиар суларсан байна.

Төгрөгийн юаньтай харьцах сарын дундаж ханш 2019 оны 12 сард 388.75 төгрөг болж, өмнөх оны мөн үеэс 1.5 хувиар суларсан байна.


Төгрөгийн рубльтэй харьцах сарын дундаж ханш 2019 оны 12 сард 43.38 төгрөг болж, өмнөх оны мөн үеэс 10.8 хувиар суларсан байна.

Үзүүлэлт	2016.12	2017.12	2018.12	2019.12
Америк доллар	2,482.57	2,433.49	2,637.35	2,727.34
Жилийн өөрчлөлт	24.4%	-2.0%	8.4%	3.4%
Евро	2,619.89	2,879.43	3,002.43	3,030.51
Жилийн өөрчлөлт	20.6%	9.9%	4.3%	0.9%
Юань	358.73	369.00	383.03	388.75
Жилийн өөрчлөлт	16.0%	2.9%	3.8%	1.5%
Рубль	40.00	41.52	39.15	43.38
Жилийн өөрчлөлт	40.0%	3.8%	-5.7%	10.8%

Эдийн засгийн өсөлтийн прогноз


Прогноз гаргагч	2020
Сангийн яам (2018 оны 11 сар)	6.00%
Монголбанк (2018 оны 8 сар)	6.25%
Олон Улсын Валютын Сан (2018 оны 11 сар)	4.90%
Азийн Хөгжлийн Банк (2019 оны 4 сар)	6.30%
Дэлхийн Банк (2018 оны 9 сар)	6.30%
Дундаж	5.875%

Хөрөнгө оруулалтын багц





(сая төгрөг)	2018	Эзэмшил	2019	Эзэмшил
Стратегийн хөрөнгө оруулалт	40,331		67,259	
Монгол Шуудан (MNP)	16,334	24.0%	18,066	25.5%
Хөрөнгө Оруулагч Үндэстэн (JIV)	23			
Ард Даатгал (AIC)	12,928	67.2%	13,356	66.8%
Ард Кредит (ADB)	5,028	80.7%	13,973	60.9%
Ард Секюритиз	2,305	100.0%	2,305	100.0%
Ард Менежмент	365	100.0%	365	100.0%
Ард Актив	48	9.9%	119	10.0%
Ард Лайф	2,426	100.0%	11,426	100.0%
Ард Бит (GoPay)	200	100.0%	200	100.0%
ТэнГэр Систем (Trade.mn)	674	100.0%	1,154	100.0%
Ард Холдингс Интэрнэйшнл			6,295	
Тактикийн хөрөнгө оруулалт	3,480		950	
Номын Хишиг	1,780	20.0%	-	20.0%
ТТДС	750	12.4%	-	4.0%
КриптоҮндэстэн Сан	950	32.4%	950	32.4%
Бусад	8,657		-8,585	
Богино хугацаат хөрөнгө оруулалт	4,964		17	
Үндсэн хөрөнгө	987		769	
Бэлэн мөнгө	2		43	
Цэвэр авлага	2,705		-9,414	
Нийт үнэлгээ	52,468		59,624	
Эргэлтэд байгаа хувьцааны тоо	17,194,364		27,175,629	
Нэгж хувьцааны үнэ	3,051		2,195	



52 долоо хоног ₮1,200 - ₮2,300

Нийт хувьцааны тоо 28,614,263

Зах зээлийн үнэлгээ ₮50.53 тэрбум

Нийт арилжааны дүн ₮3.08 тэрбум

Хаалтын үнэ ₮1,766

Дансны үнэ ₮2,163

P/E - Үнэ/Ашиг 6.40

P/B - Үнэ/Дансны үнэ 0.82

Хараат бус аудитын тайлан



Монгол Улс, Улаанбаатар хот-16066
 Бангол дүүрэг, Амгирсангийн гудамж-5
 Утас: 70005401, 70005404, 70005405
 Факс: +976-70005403
 Э.Шуудан: info@dalaivanaudit.mn
 Вэб хуудас: www.dalaivanaudit.mn

ХАРААТ БУС АУДИТОРЫН ХУРААНГУЙ ТАЙЛАН

“АРД САНХҮҮГИЙН НЭГДЭЛ” ХК -ИЙН ТӨЛӨӨЛӨН УДИРДАХ ЗӨВЛӨЛД

Дүгнэлт

Хураангуй санхүүгийн тайлан нь Ард Санхүүгийн Нэгдэл ХК-ийн 2019 оны 12 дугаар сарын 31-ээрх хураангуй санхүүгийн байдлын тайлан, жилийн эцсээрх орлого үр дүн, бусад дэлгэрэнгүй орлогын тайлангаас бүрдсэн.

Бидний дүгнэлтээр хавсралт дахь “Ард Санхүүгийн Нэгдэл” ХК-ийн 2019 оны 12 дугаар сарын 31-ний өдрийн байдлаарх хураангуй санхүүгийн тайлан нь бүхий л материаллаг зүйлсийн хувьд Аудитлагдсан Санхүүгийн Тайлан, түүний нэмэлт тодруулгатай тохирч байна.

Санхүүгийн хураангуй тайлан

Энэхүү санхүүгийн хураангуй тайлан нь Санхүүгийн Тайлагналын Олон Улсын Стандарт (СТОУС-ын) шаардсан бүх тодруулгыг агуулаагүй болно. Иймд энэхүү санхүүгийн хураангуй тайлан нь Сангийн сайдын баталсан аж ахуйн нэгжийн нягтлан бодох бүртгэлийн журмын дагуу илэрхийлэгдсэн аудитлагдсан санхүүгийн тайланг орлохгүй.

Аудитлагдсан санхүүгийн тайлан ба бидний дүгнэлт

Бид 2019 оны 12 дугаар сарын 31-ний өдрөөр тасалбар болгосон тус компанийн санхүүгийн тайланд хязгаарлалтгүй санал дүгнэлт өгсөн. Уг тайланд аудитын гол асуудлын талаарх мэдээллийг тусгасан. Аудитын гол асуудал нь бидний мэргэжлийн үнэлэмжээр хамгийн чухал асуудал байдаг.

Хураангуй тайлангийн талаар удирдлагын хүлээх хариуцлага

Удирдлага нь эрх бүхий байгууллагын баталсан журмын дагуу санхүүгийн тайланг бэлтгэх, түүндээ үндэслэн хураангуй санхүүгийн тайлангаа үнэн зөв бэлтгэх, тайлагнах үүрэгтэй.

Санхүүгийн тайлангийн аудитад Аудиторын хүлээх хариуцлага

Компанийн зүгээс бэлтгэсэн хураангуй санхүүгийн тайлан нь бүхий л материаллаг зүйлсийн хувьд аудитлагдсан санхүүгийн тайлантай тохирч байгаа эсэхийг шалгах, АОУС 810 буюу “Хураангуй санхүүгийн тайлангийн талаар тайлагнах гэрээт ажлууд”-аар шаардсан горимуудыг гүйцэтгэж дүгнэлт өгөх явдал юм.



2020 ОНЫ 03 ДУГААР
САРЫН 25-НЫ ӨДӨР

САНХҮҮГИЙН БАЙДЛЫН ТАЙЛАН

Үзүүлэлт	2019.12.31 мянган төгрөг	2018.12.31 мянган төгрөг
ХӨРӨНГӨ		
Эргэлтийн хөрөнгө		
Мөнгө түүнтэй адилтгах хөрөнгө	43,235.60	2,034.80
Худалдааны болон худалдааны бус авлага	4,902,640.10	3,001,265.80
Бусдад олгосон зээл, зээлийн хүүний тооцоо	403,269.00	6,820,414.50
Татвар, шимтгэлийн авлага	6,864.80	14,941.40
Бараа материал	6,231.10	36,364.20
Урьдчилж төлсөн зардал	3,685,467.00	830,472.10
Богино хугацаат хөрөнгө оруулалт	13,989,498.90	146,055.70
Борлуулах зорилгоор эзэмшиж буй эргэлтийн бус хөрөнгө		2,400,000.00
Эргэлтийн хөрөнгийн дүн	23,037,206.50	13,251,548.40
Эргэлтийн бус хөрөнгө		
Үндсэн хөрөнгө (цэвэр)	642,006.70	739,940.70
Биет бус хөрөнгө (цэвэр)	127,431.20	246,604.60
Урт хугацаат хөрөнгө оруулалт	54,265,176.20	43,810,718.80
Хөрөнгө оруулалтын зориулалттай үл хөдлөх хөрөнгө		2,417,832.10
Эргэлтийн бус хөрөнгийн дүн	55,034,614.10	47,215,096.20
НИЙТ ХӨРӨНГӨ	78,071,820.60	60,466,644.60

ӨР ТӨЛБӨР

Богино хугацаат өр төлбөр		
Худалдааны болон худалдааны бус өр төлбөр	2,333,638.60	131,267.00
Бусад өглөг	12,901.70	12,675.80
Богино хугацаат зээл	1,082,465.30	1,814,620.00
Түрээсийн өрийн богино хугацаанд төлөгдөх хэсэг	41,096.30	
Хүүний өглөг	198,315.50	251,491.30
Татварын өглөг	68,822.00	23,877.40
Богино хугацаат өр төлбөрийн дүн	3,737,239.40	2,233,931.50
Урт хугацаат өр төлбөр		
Урт хугацаат зээл	2,236,039.00	240,370.20
Түрээсийн өр төлбөр	261,389.70	
Бусад урт хугацаат өр төлбөр	12,183,954.70	5,524,671.10
Хойшлогдсон татварын өглөг	3,070,863.00	1,957,039.50
Урт хугацаат өр төлбөрийн дүн	17,752,246.40	7,722,080.80
Нийт өр төлбөр	21,489,485.80	9,956,012.30
Өөрийн хөрөнгө		
Энгийн хувьцаа	28,590,335.00	1,879,652.80
Халаасны хувьцаа	(-1,414,706.00)	(-160,216.40)
Нэмж төлөгдсөн капитал		9,929,060.70
Хөрөнгө оруулалтын үнэлгээний нөөц сан	16,124,512.70	14,081,066.00
Эзэмшигчийн өмчийн бусад хэсэг	13,799.10	13,799.10
Хуримтлагдсан үр дүн	13,268,394.00	24,767,270.20
Нийт өөрийн хөрөнгө	56,582,334.80	50,510,632.40
НИЙТ ӨР ТӨЛБӨР БА ӨӨРИЙН ХӨРӨНГӨ	78,071,820.60	60,466,644.70

ОРЛОГО ҮР ДҮН БОЛОН БУСАД ДЭЛГЭРЭНГҮЙ ОРЛОГЫН ТАЙЛАН

Үзүүлэлт	2019.12.31 мянган төгрөг	2018.12.31 мянган төгрөг
Борлуулалтын орлого	1,569,829.50	3,863,044.90
Борлуулсан бүтээгдэхүүний өртөг		
Нийт ашиг	1,569,829.50	3,863,044.90
Хүүний орлого	304,891.30	351,531.90
Ногдол ашгийн орлого	537,156.70	897,653.70
Бусад орлого	87,252.30	296,165.60
Борлуулалт, маркетингийн зардал	(1,262,376.90)	(322,092.80)
Ерөнхий удирдлагын зардал	(4,441,981.10)	(3,209,382.00)
Хүүний зардал	(1,454,685.70)	(854,143.20)
Бусад зардал	(132,645.10)	(104,602.40)
Гадаад валютын ханшийн зөрүү олз (гарз)	(20,035.50)	54,643.70
Үндсэн хөрөнгө данснаас хассаны олз (гарз)	(34,430.20)	
Биет бус хөрөнгө данснаас хассаны олз (гарз)		
Хөрөнгө оруулалт борлуулснаас үүссэн олз (гарз)	163,761.10	
Хөрөнгө оруулалтын үнэлгээний олз(гарз)	9,059,062.80	(180,267.90)
Татварын өмнөх ашиг (алдагдал)	4,375,799.20	792,551.60
Орлогын албан татварын зардал	(970,978.20)	(124,918.60)
Тайлант жилийн татварын дараах ашиг	3,404,821.00	667,633.00
Бусад дэлгэрэнгүй орлого		
Хөрөнгө оруулалтын үнэлгээний нөөцийн цэвэр өсөлт	2,043,446.80	6,730,845.00
Нийт дэлгэрэнгүй орлого	5,448,267.80	7,398,478.10
Нэгж хувьцаанд ногдох суурь ашиг	155.17	38.83

ӨМЧИЙН ӨӨРЧЛӨЛТИЙН ТАЙЛАН

	Хувьцаат капитал мян.төг	Халаасны хувьцаа мян.төг	Нэмж төлөгдсөн капитал мян.төг	Хөрөнгө оруулалтын үнэлгээний нөөц мян.төг	Эзэмшигчийн өмчийн бусад хэсэг мян.төг	Хуримтлагдсан ашиг (алдагдал) мян.төг	Нийт мян.төг
2017 оны 12-р сарын 31-ээрх үлдэгдэл	1,879,652.8	(160,216.4)	9,929,060.7	7,350,220.5	13,799.1	24,099,636.9	43,112,153.6
Нягтлан бодох бүртгэлийн өөрчлөлт, алдааны залруулга							
Залруулагдсан үлдэгдэл	1,879,652.8	(160,216.4)	9,929,060.7	7,350,220.5	13,799.1	24,099,636.9	43,112,153.6
Тайлант хугацааны цэвэр ашиг (алдагдал)						667,633.0	667,633.3
Хөрөнгө оруулалтын үнэлгээний нөөц өсөлт (бууралт)				6,730,845.4			6,730,845.4
Хувьцаат капиталын өсөлт, бууралт							
2018 оны 12-р сарын 31-ээрх үлдэгдэл	1,879,652.8	(160,216.4)	9,929,060.7	14,081,065.9	13,799.1	24,767,269.9	50,510,632.3
Нягтлан бодох бүртгэлийн өөрчлөлт, алдааны залруулга						10,956.3	10,956.3
Залруулагдсан үлдэгдэл	1,879,652.8	(160,216.4)	9,929,060.7	14,081,065.9	13,799.1	24,778,226.2	50,521,588.6
Тайлант хугацааны цэвэр ашиг (алдагдал)						3,404,821.0	3,404,821.0
Хөрөнгө оруулалтын үнэлгээний нөөц өсөлт (бууралт)				2,043,446.8			2,043,446.8
Хувьцаат капиталын өсөлт, бууралт	26,710,682.2	(1,254,489.6)	(9,929,060.7)			(14,914,653.2)	612,478.7
2019 оны 12-р сарын 31-ээрх үлдэгдэл	28,590,335.0	(1,414,706.0)		16,124,512.7	13,799.1	13,268,394.0	56,582,334.8

МӨНГӨН ГҮЙЛГЭЭНИЙ ТАЙЛАН

	2019.12.31 мянган төгрөг	2018.12.31 мянган төгрөг
1. Үйл ажиллагааны мөнгөн гүйлгээ		
1.1 Үндсэн үйл ажиллагааны мөнгөн орлого	307,609.90	849,588.40
Бараа борлуулсан, үйлчилгээ үзүүлсэн орлого		442,380.40
Эрхийн шимтгэл, хураамж, төлбөрийн орлого		
Даатгалын нөхвөрөөс хүлээн авсан мөнгө		
Буцаан авсан албан татвар		
Татаас, санхүүжилтийн орлого		
Бусад орлого	307,609.90	407,208.00
1.2 Үндсэн үйл ажиллагааны мөнгөн зарлага	(4,294,615.90)	(3,834,173.70)
Ажиллагсад төлсөн мөнгө	(453,807.80)	(722,458.00)
Нийгмийн даатгалын байгууллагад төлсөн мөнгө	(167,721.60)	(118,098.70)
Бараа материал худалдан авахад төлсөн	(28,927.90)	(638,929.00)
Ашиглалтын зардалд төлсөн мөнгө	(369,112.20)	(859,013.40)
Түлш шатахуун, сэлбэг хэрэгсэлд төлсөн мөнгө	(35,281.50)	(28,787.50)
Хүүний төлбөрт төлсөн	(1,345,981.80)	(660,395.80)
Татварын байгууллагад төлсөн	(127,467.00)	(162,124.00)
Даатгалын төлбөрт төлсөн мөнгө	(18,269.70)	
Бусад мөнгөн зарлага	(1,748,046.40)	(644,367.30)
Үйл ажиллагааны цэвэр мөнгөн гүйлгээ	(3,987,006.00)	(2,984,585.30)
2. Хөрөнгө оруулалтын үйл ажиллагааны мөнгөн гүйлгээ		
Хүлээн авсан хүүний орлого	8,986.50	84,575.00
Ногдол ашгийн орлого	485,721.60	93,406.40

Бусдад олгосон зээл, урьдчилгааны буцаан төлөлт	3,555,791.90	8,467.30
Үндсэн хөрөнгө борлуулсны орлого	132,951.90	
Хөрөнгө оруулалт худалдсанаас орсон мөнгө	497,756.60	
Үндсэн хөрөнгө олж эзэмшихэд төлсөн мөнгө	(69,197.20)	(230,045.30)
Биет бус хөрөнгө олж эзэмшихэд төлсөн мөнгө	(11,027.10)	(6,180.30)
Бусдад олгосон зээл, урьдчилгаа	(4,151,021.90)	(622,520.70)
Хөрөнгө оруулалт олж эзэмшихэд төлсөн мөнгө	(2,490,212.60)	(469,000.00)
Бусад урт хугацаат хөрөнгө олж эзэмшихэд төлсөн	(1,366,018.10)	
Хөрөнгө оруулалтын үйл ажиллагааны цэвэр мөнгөн гүйлгээ	(3,406,268.40)	(1,141,297.60)
3.Санхүүгийн үйл ажиллагааны мөнгөн гүйлгээ		
Зээл авсан, өрийн үнэт цаас гаргаснаас хүлээн авсан	8,468,672.80	4,425,231.90
Зээл, өрийн үнэт цаасны төлбөрт төлсөн мөнгө	(1,032,546.60)	(825,778.70)
Хувьцаа гаргалтын орлого		
Хувьцаа, өрийн үнэт цаас буцаан худалдаж авахад төлсөн мөнгө	(1,651.00)	(160,601.90)
Бусад санхүүгийн үйл ажиллагааны мөнгөн орлого		
Санхүүгийн үйл ажиллагааны цэвэр мөнгөн гүйлгээ	7,434,475.20	3,438,851.30
Бүх цэвэр мөнгөн гүйлгээ	41,200.80	(687,031.60)
Мөнгө түүнтэй адилтгах хөрөнгийн эхний үлдэгдэл	2,034.80	689,066.40
Мөнгө түүнтэй адилтгах хөрөнгийн эцсийн үлдэгдэл	43,235.60	2,034.80

Хөрөнгө Оруулагч Үндэстэнг Цогцлооно